

永樂大典

二四

228551



卷〇三四	卷〇三四	卷〇三四	卷〇三四
梧字等	梧字	梧字	梧字



永樂大典卷之二十三十四十一

六模

梧

宮室

藤縣古藤志江月樓在州治東北本舊城北門二蘇寓此嘯傲於上見其

東北二水合流樓下時秋高夜靜波光月色兩相掩映因扁之曰江月其

詩曰江月照我心江水洗我肝又曰嶠南瘴癘地有此江月寒乃知天壤

間何人不清安詳見文翰類近增廣舊城樓居城中波光月色無優佳致

州人真浮屠象于其上將微之以奉二蘇焉元一統志在州宅取坡詩藤

州城下詩有此江月寒之句古藤志環翠樓即藤江驛樓也洪武壬子李

夏初建廣西憲僉葉公原賀以其四面好山三江秋水青蹊碧躍因大書

環翠以扁之元一統志鬱滿江樓在州城東合鬱江瀾而名之

本府輿地紀勝嘉魚亭在子城南蒼梧記云丙穴出嘉魚故名蒼梧志朗

吟亭內奉呂洞賓仙像在州城東北東山道院之側

藤縣古藤志光華亭廢久不知其處惟浮金亭記稱與光華亭相對又詩

話載少遊逗留光華亭。詢諸父老無所知。意營脊上有華光廟。正與浮金亭相對。恐即此也。浮金亭在藤縣還淳門外。江東亦坡儼盤桓之地。舊基在東山上。近遷水涯。其意即江月之義也。又曰小天竺。詳見費克忠記。容縣容州志。面南亭在州城內東北。蓮池中間。先賢有題。面南看芙蓉。今廢。萬松亭在州城外西北。廣松之高坡建置。劉禹錫詩云。萬松亭下來清風。今廢。滄浪亭在州城西三里。濯纓石上。下有石如紫玉樽。暮春鄉人楔焉。今廢。繡江亭在州城西。繡江驛前。登樓江山一覽可盡。元一統志。迎富亭在州與滄浪亭相對。容俗以二月二日爲迎富節。因以名是亭。容州志。讀書臺在州東陳帥廟前江之南岸。昔漁人繫舟於其下。聞有琅琅之音。次早上登不見。因得名焉。元一統志在普寧縣東一十五里。兩峯峭立擁溪東下。舊傳漁者夜聞山巔琅琅有弦誦聲。因目之爲讀書臺。容州志。經畧臺在州南城上。建閣乃爲節度之尊。輿地紀勝在逍遙樓之陰。容州志。釣魚臺在州城西江滄浪亭畔。因得名。其石尚在。

祠廟

岑溪縣古藤志。孝感祠在岑溪縣東三十里。即孝子蘭故居。鄉民以木母著靈。因共神之。水旱疾癘禱焉輒應。祠燬于隋。有碑沒于水。故諺曰。里名

勝母曾參避見說丁蘭在此村。可惜石碑沉水底。詩人不得細推論。大仲曰。孝爲百行之原。自天子至於庶人。未有不以孝而成令德者。孝子生處南夷。而能竭力奉親。終身思慕。無情木石。亦爲之靈。聲名巍巍。上與庶豫之大聖。負米之大賢。並轡馳驅。使千秋百世之下。神而祀之。簡書記而載之。大哉賢乎。夫大舜生值帝堯之世。仲子親聞先聖至道。其孝宜矣。孝子生仁義陵遲。詩書滅絕之後。處徭僮之間。其所師爲何人。所聞爲何事。迺能事亡如存。非天錫純孝。不爲風聲習氣之所漸染。出類拔萃。其能然乎。宜其廟食百世。愈久愈光。是祠之設。與其他祇神野鬼。可同日而語哉。惜乎廟燬于隋。無所瞻慕。前乎此者。畧不經意。豈崇德勵俗之道哉。文仲親老居貧。逐鹿萬里。溫清禮缺。聞孝子之風。惕然而驚。輒然而惧。因命岑溪主簿趙琛。去故址數十步。宏其規模。創屋三楹。食憲富公因名之曰孝感。命工繪孝子母子象于其間。仍遣人祝之。於戲。孝子不廕。永錫爾類。使州之人登孝子之堂。拜孝子之像。觀感興起。豈不踴躍。

本府。蒼梧志。三皇廟。虞帝廟。在子城東文廟之右。文廟在子城東臺里。宋咸平五年。知州事。部員外郎何蒙修建。至元祐。知州朝奉郎張唐輔。移就州城東北二里七十六步。寶興寺水泉之北嶺。中遷就州東二百

五十步。致和三年移就州北八十步。於建炎三年知州文彥明移就州東放生他畔一里。至紹興三十年知州任通直以羅漢寺改作。在州東百八十步。城隍廟。在州城外東南隅。九龍廟。在州城東四里。唐大中五年蒼梧縣令吳澤以境內亢旱祈禱於此。致有黑龍升天甘雨隨注百姓賴焉。嘉應廟。在州東一里。溫母廟。在州城北二里。宋元祐二年曾遷城東一里。按粵志云溫氏端溪人常捕魚遇一巨卵收而秘之。後有物如守宮狀元卵而長五六尺。躍躍波中。繫繞舟之側。秦皇問而遣使召至始平江。龍引船而還。溫氏卒瘞于江陰。今晉康即悅城有本廟。龍王廟。在州東七里。火山廣部廟。在城南。隔大江火山山下。石英廟。在縣西隔挂江。俗以其地產石英因置廟焉。五通廟。在子城外西北隅。角廟。在州城西隔挂江。祔政廟。在州城東一百步。祔胡神。按漢國八月以金人祭天。其廟皆胡人居中國所立。號天神。金牙廟。內奉唐將尉遲敬德像。在州城東南梯雲坊。北府令公廟。在州城外東南。天妃廟。在州城東二里。

岑溪縣古藤志岑溪三皇廟。在縣衙西北隅。岑溪縣城隍廟。在社壇西。東山廟。在水東二里。廟祀李衛公靖。詳見祠碑。雷廟。在縣治北。李

街公廟。在縣西北半里。

藤縣。古藤志三皇廟。在文廟西。文廟在藤縣登俊坊。南去還淳門半里許。僻在城隅。橫截平岡。前後逼側。似非妥聖靈崇禮教之所。况廟宇日久。風雨震凌。木植朽腐。修廢起弊。不可得。乃相新址於南山。地勢寬平。氣象清朗。諸峰拱揖。二水回環。與舊址夙絕。將改圖焉。古藤志城隍廟在藤縣三元坊。即舊鐔津縣治。舊廟在澄清街口。今廢。東嶽廟在藤縣城南還淳門外。雷廟在南山。伏波廟在藤縣興仁門外。世傳以爲馬援征南過此。故祠焉。五顯廟在由義門內。

容縣。容州郡志三皇廟。在州西儒東。文廟在州城外西南街。城隍廟在城內西街。東嶽廟在西城外三皇廟東。

懷集縣。昭潭志三皇廟。在縣東。城隍廟在縣東。

鬱林州鬱林志三皇廟。在州城之東。城隍廟在州城之南。

博白縣。鬱林志三皇廟。在縣城東。城隍廟在縣城東。伏波廟在縣之南四十里。乃漢時將軍馬援之廟也。

興業縣。鬱林志城隍廟。在縣城之東北。岑溪縣。古藤志真武殿。在縣治北。

藤縣古藤志其武殿在登俊坊。

寺觀

本府蒼梧志開皇寺在子城東一百步。唐天授元年置。初名重輪寺。開元二十六年改今額。報恩光孝禪寺在子城東二里。初名慈福寺。宋崇寧二年改賜崇寧萬壽禪寺。政和元年改天寧萬壽禪寺。後元改今額。羅漢寺在子城東一百八十步。宋紹興十九年知州任通真移就水井舊基創造。今在城東二里。元一統志在州東北有雙龍洞。碑云水泉之側有洞。其上有庵。庵前雙松干霄。有飛騰大矯之勢。蒼梧志慶林寺在州北二里。金石寺在州東四里。吳時有道人牽牛渡江。因語舟人曰。船內牛糞。聊以爲醑。舟人視之皆金也。道人併牛藏隱石下。因名金石。後有僧玄覺置寺於其地。元一統志在合石山。蒼梧志寶興寺在子城東北二里。唐神龍元年置。初名大唐中興寺。補闕張景佚上疏。稱唐運承周。非謂中興。諸除中興之字。真以大唐龍興爲號。上納之。詔天下寺皆改龍興寺。宋宣和四年改今額。已廢。慶雲寺在子城東北三里。清善寺在子城東北一里。僞漢改爲資慶寺。今廢。双峯寺在州西七十里。宋祥符四年改今額。崇慶寺。崇化寺在州西南二十七里。唐武德四年融州刺史李習建。初名

菩提寺。會昌五年廢。大中十二年復置。改今額。雲蓋寺。在州東一十里。
蘇山超己寺。在州南八里。興德寺。在州南二十里。興教寺。在州西
南二十七里。資福寺。在州南八十里。

岑溪縣。古藤志壽寧寺。在岑溪縣北一里許。

藤縣。古藤志廣法寺。在水東五里。即明教師出家之地。洪武初寺爲野燒
所毀。即舊乾亨寺。法寺有木栢身而松枝。其葉似松非松。似栢非栢。生淤
泥中。其大四五圍。高可五七丈。根已上五尺許。二株合而爲一。又復岐爲
二枝。生子亦頗異。其耐歲寒與松栢同。人指以爲連理木云。元一統志在
鐔津縣東二里。即高僧契嵩受業院。有御書閣藏先朝所賜凡十七卷。御
書十七軸。餘卷甚多。古藤志真覺寺。在水東岸。萬壽寺。在玄妙觀西。
容縣。容州志隆興寺。在城外西北。
懷集縣。昭潭志寶福寺。在縣西。

鬱林州。鬱林志寶相寺。在州城之東。
博白縣。普明寺。在縣城東半里。

興業縣。興元寺。在縣城之西半里。
本府。蒼梧志玄妙觀。在城東二里。唐開元二十九年置。初名玄元宮。天寶

元年改紫壁宮。宋祥符八年改天慶觀。元朝改今額。白鶴觀。在縣西二里。隔桂水。唐開元二十年置。元一統志在州西隔江。壇側生白石英。唐開元二十七年置。咸通末鄭畋自翰林學士承旨貶爲州刺史。增修觀宇。臨池建水閣。因題詩曰。松陰如幄水如羅。秋盡山青白鳥過。獨坐一庵心正寂。數聲何處竹枝歌。蒼梧志慶林觀。在縣西南二十五里。唐乾封元年置。岑溪縣。古藤志玄妙觀。在縣治北一里許。

藤縣。古藤志玄妙觀。在三皇廟西。秦太虛觀。在慶州時作好事近曰。山路雨添花。花動一山春色。行到小溪深處。有黃鸝千百。飛雲當面化龍蛇。大橋掛空碧。醉卧古藤陰下。杳不知南北。後再遷海南。歸至藤州。逗留光華亭。一日醉起。以玉盃汲泉。笑視之而死。時人以爲詩識。

容縣。容州志玄妙觀。在西城外大街。懷集縣。昭潭志寶寧觀。在縣東。

鬱林州。鬱林志玄妙觀。在州城之東。博白縣。玄妙觀。在城之東半里。

興業縣。玄妙觀。在縣城之西南。本府蒼梧志觀音堂。在州城北。興善坊裏。

藤縣。古藤志。普庵堂。在城隍廟東。觀音堂。在文廟南。

本府。蒼梧志。東山道院。在州城東北。太平院。在州東七里。南定院。在州西南一百里。報恩院。在州南九十三里。興德院。在州南四十五里。地藏院。在州東二十里。清泉院。在州南四十五里。

壇壝

本府。蒼梧志。社稷壇。在子城西。雷師雨師壇。並在子城北。風師壇。在城西。

岑溪縣。古藤志。社稷壇。在縣北。風雲雷雨山川壇。在縣南。無祀鬼神壇。在社稷壇西。

藤縣。社稷壇。在由義門外三里。風雲雷雨師山川壇。在還津門外三里。南山之巔。鬼神壇。在社稷西。

容縣。容州志。社稷壇。在城西北。依式立石垣牆。廚庫屋宇。一一完備。春秋仲月上戊日致祭。風雲雷雨山川壇。共一所。于州南建立神廚庫房。一如式。歲時依頒降日辰致祭。無祀鬼神壇。於城正北築壇。一如式。

歲時致祭。

懷集縣。昭潭志。社稷壇。在縣西北。風雲雷雨山川壇。在縣南。無祀鬼神壇。

神壇在縣北。

鬱林志。鬱林志社稷壇在城西南。風雲雷雨山川壇在城南。無祀鬼

神壇在城北。

北流縣。容州志社稷壇在縣西北。風雲雷雨師山川壇皆在縣西南。

無祀鬼神壇在縣北。

陸川縣。容州志社稷壇在縣西北。風雲雷雨師山川壇在縣西南。無

祀鬼神壇在縣北。

博白縣。鬱林志社稷壇在縣城北。風雲雷雨山川壇在城東南。無祀

鬼神壇在城北。

興業縣。鬱林志社稷壇在縣城之南。風雲雷雨山川壇在縣城東南。

無祀鬼神壇在縣城北。

官制

國朝本府知府正四品。同知正五品。通判正六品。推官正七品。經

歷司經歷正八品。知事正九品。照磨所照磨從九品。檢校未入流。

司獄司司獄從九品。儒學教授從九品。訓導未入流。僧綱司都綱

從九品。副都綱未入流。道紀司都紀從九品。副都紀未入流。陰

陽學正術從九品。醫學正科從九品。廣備倉大使從九品。副使未入流。稅課司大使從九品。梧州巡運所大使未入流。廣備鹽倉大

使副使未入流。

蒼梧縣知縣正七品。縣丞正八品。主簿正九品。典史未入流。

儒學教諭未入流。訓導未入流。長行鄉巡檢司巡檢從九品。安平

鄉巡檢司巡檢從九品。府門驛丞未入流。龍江驛丞未入流。河泊

所官未入流。

岑溪縣知縣正七品。典史未入流。儒學教諭未入流。訓導未入

流。僧會司僧會未入流。道會司道會未入流。陰陽學訓術未入流。

醫學訓科未入流。烏峽寨巡檢司巡檢從九品。連城鄉義平巡檢

司巡檢從九品。

藤縣知縣正七品。縣丞正八品。主簿正九品。典史未入流。儒

學教諭未入流。訓導未入流。僧會司僧會未入流。道會司道會未

入流。陰陽學訓術未入流。醫學訓科未入流。稅課司大使未入流。

赤水鎮巡檢司巡檢從九品。賓家寨巡檢司巡檢從九品。白石寨

巡檢司巡檢從九品。雙龍驛丞未入流。金鷄驛丞未入流。黃丹驛

丞。未入流。藤江驛丞。未入流。河泊所官。未入流。

容縣。知縣。正七品。縣丞。正八品。主簿。正九品。典史。未入流。儒

學教諭。未入流。訓導。未入流。僧會司僧會。未入流。道會司道會。未

入流。陰陽學訓術。未入流。醫學訓科。未入流。粉壁寨巡檢司巡檢。未入流。波羅里大洞巡檢司巡檢。未入流。自良驛丞。未入流。繡江驛丞。未入流。

懷集縣。知縣。正七品。典史。未入流。儒學教諭。未入流。訓導。未入

流。僧會司僧會。未入流。道會司道會。未入流。陰陽學訓術。未入流。

醫學訓科。未入流。武城鄉巡檢司巡檢。未入流。慈樂寨巡檢司巡

檢。未入流。營林州。知州。從五品。同知。從六品。判官。從七品。吏目。從九品。

儒學學正。未入流。訓導。未入流。僧正司僧正。未入流。道正司道正。

未入流。陰陽學典術。未入流。醫學典術。未入流。陸川大洞遞運所

大使。未入流。永益倉大使。未入流。副使。未入流。稅課局大使。未入流。

南流稅課大使。未入流。大塘稅課局大使。未入流。辛立稅課局大

使。未入流。西甌馬驛丞。未入流。北流遞運所大使。未入流。

北流縣。知縣。正七品。縣丞。正八品。主簿。正九品。典史。未入流。

儒學教諭。未入流。僧會司僧會。未入流。道會司道會。未入流。陰陽

學訓術。未入流。醫學訓科。未入流。大洞馬驛丞。未入流。寶圭驛丞。

未入流。容山閭官。雙威寨巡檢司巡檢。

陸川縣。知縣。正七品。典史。未入流。儒學教諭。未入流。訓導。未入

流。僧會司僧會。未入流。道會司道會。未入流。陰陽學訓術。未入流。

醫學訓科。未入流。溫水寨巡檢司巡檢。從九品。陸川大洞巡檢司巡

檢。從九品。永寧馬驛丞。未入流。

博白縣。知縣。正七品。縣丞。正八品。主簿。正九品。典史。未入流。

儒學教諭。未入流。訓導。未入流。僧會司僧會。未入流。道會司道會。

未入流。陰陽學訓術。未入流。醫學訓科。未入流。周羅寨巡檢司巡檢。

從九品。沙河寨巡檢司巡檢。從九品。

興業縣。知縣。正七品。典史。未入流。儒學教諭。未入流。訓導。未入

流。僧會司僧會。未入流。道會司道會。未入流。陰陽學訓術。未入流。

醫學訓科。未入流。高橋馬驛丞。未入流。富陽馬驛丞。未入流。

梧州所守禦。正千戶。副千戶。百戶。所鎮撫。

鬱林所守禦

正千戶 副千戶 百戶 所鎮撫

富川所守禦

正千戶 副千戶 百戶 所鎮撫

容縣所守禦

正千戶 副千戶 百戶 所鎮撫

淮陽所守禦

正千戶 副千戶 百戶 所鎮撫

懷集所守禦

正千戶 副千戶 百戶 所鎮撫

公署

懷集縣。昭潭志公廨。按舊云。縣治在蓮花岡之前。宋代基址。元朝仍舊。至

正壬辰被外寇焚毀。侵據十餘年。洪武二年春。縣丞萬亨始復舊治。其時

草創。洪武三年夏四月。知縣楊定省。恪遵新式。建造公廨。及官吏私第。洪

武八年。知縣徐泰繕修。

鬱林州。鬱林志。州治公廨。昔在郡之北邊。有石槽陂。取水流入。向城之壕

而遠其內。駐一池。於是公廨之傍。水秀澄清。號以西甌也。元末爲兵火荒

廢。歸附

聖朝。依式從新鼎立。正廳一座三間。幕次一所。司吏房六間。外建儀門。東設祭

闕庫。永盈倉。守禦百戶所。并按察司公廨。西有益成庫。後併兩傍建官吏

住宅。奧然一新。

博白縣。鬱林志。縣治之西。有雙角綠珠嶺。於後傍左右有欽馬九曲江。水向縣紫連。號爲古白也。其縣邑舊治荒廢。歸附。

聖朝。從新修造。鼎建公廨。外有儀門。中則正廳。左則典史幕。東西六房。左右各有官吏住宅。邑治有規。奕然一新焉。

興業縣。鬱林志。縣之公廨。自兵亂連年。前後屋宇傾廢。歸附。

聖朝。依式鼎建。前則儀門。中則正廳。左爲典史之幕。東西兩廡。爲司吏房。正後左右。建官吏住宅。又新規模焉。

倉庫

本府。蒼梧志。廣備倉。在子城內北隅。

藤縣。古藤志。廣貯倉。在州治西南。

容縣。容州志。永豐倉。在州東。

鬱林州。鬱林志。永盈倉。在州治之東。

本府。蒼梧志。湧泉庫。在子城內東北隅。

藤縣。古藤志。永豐庫。在州街內。

容縣。容州志。便益庫。在州街內。

鬱林州。鬱林志。益成庫。在州治之西。架閣庫。在州治之東。

傳白縣。鬱林志架閣庫。在縣治西。
興業縣。鬱林志架閣庫。在縣。

驛傳

本府。蒼梧志府門驛。在州城東三百三十步。舊名城東驛。唐建中初立爲蒼梧驛。宋光化中改爲鳳樓驛。大觀四年移在川之南江邊。元朝改府門驛。今復蒼梧驛。龍江驛。在州西北。藤縣。古藤志藤江驛。在州南半里。係三江會口。上水接連黃舟金鷄二驛。下水至蒼梧驛。黃舟驛。去州西南。接連潯州府平南縣烏江驛。通左右兩江等處水道。金鷄驛。去州南接連雙境驛。雙境驛。又去金鷄驛南接連容州自良驛。通海南北大路。

容縣。容州志瀾江驛。在州西城外迎恩坊。上水至北流縣寶圭驛。下水至本州自良驛。自良驛。在州東下水一百里。下至藤州雙競驛。寶圭驛。隸北流縣。驛在縣治西。陸路西至蔚林州東至本州。大洞驛。在陸川縣郭南。至永寧驛。北至蔚林州。永寧驛。在陸川縣。離縣一百里。化州界分。西至三合驛。東至大洞驛。

鬱林州。鬱林志在城驛。在城之南。